

皇清經解續編

皇清經解集編

皇清經解續編卷二百六十

南菁書院

春秋左傳詁十一

陽湖洪亮吉稚存著

傳

成公元年春晉侯使瑕嘉平戎于王

周禮典瑞注引作段嘉惠棟曰蓋古文止作段讀爲

遐也今本亦作瑕惟陸氏周禮釋文猶存古字

單襄公如晉拜成劉康公微戎將遂

伐之叔服曰背盟而欺大國此必敗背盟不祥欺大國不義

神人弗助將何以勝不聽遂伐茅戎三月癸未敗績于徐吾

氏爲齊難故作丘甲聞齊將出楚師夏盟于赤棘秋

王人來告敗冬臧宣叔令修賦繕完具守備曰齊楚結好

我新與晉盟晉楚爭盟齊師必至雖晉人伐齊楚必救之是

齊楚同我也知難而有備乃可以逞詁

方言逞解也杜本此

二年春齊侯伐我北鄙圍龍

史記魯晉世家並作隆索隱曰劉氏云隆卽龍也魯國有隆山鄒誕

生及別本作侑字侑當作鄆文十二年季孫行父帥師城諸及鄆鄆卽侑也字變耳

〔詁〕地理志云在東

莞縣東按字書無侑字疑誤郡國志泰山郡博有龍鄉城

杜同

此頃公之嬖人盧蒲就魁門焉

水經注引作盧蒲就

龍人囚之齊侯曰

勿殺吾與而盟無入而封弗聽殺而膊諸城上〔詁〕說文膊薄

脯膊之屋上按方言廣雅膊曝也說文膊之屋上亦有曝義

鄭元周禮注膊磔也蓋隨文爲訓杜本鄭說齊侯親鼓士陵

城三日取龍遂南侵及巢丘〔詁〕賈逵云殺盧蒲就魁不與齊

盟以亡其邑故諱不書耳

本疏按賈義蓋因內諱不書之例推

之正義譏賈乃引楚子滅蕭嬰齊入呂以例失其旨矣當以

賈義爲長也衛侯使孫良夫石稷甯相向禽將侵齊與齊師

遇石子欲還孫子曰不可以師伐人遇其師而還將謂君何
若知不能則如無出今既遇矣不如戰也夏有石成子曰師
敗矣子不少須眾懼盡子喪師徒何以復命皆不對又曰子
國卿也隕子辱矣詁說文 詁說文

廣雅振失也按今本作隕說文隕從高下也易曰有隕自天

高誘訓隕曰隊音同振隕二字古通惠氏補注以振爲古字

隕爲今字似誤子以眾退我此乃止且告車來甚眾齊師乃

止次于鞠居新築人仲叔于奚古今人表作中救孫桓子桓子是以

免既衛人賞之以邑辭請曲縣詁周禮 詁周禮小胥王宮縣諸侯軒

縣卿大夫判縣士特縣鄭眾云宮縣四面軒縣去其一面判

縣又去一面特縣又去一面王肅云禮天子宮縣四面諸侯

軒縣軒縣闕一面故謂之曲縣也舊注云諸侯軒縣闕南方

形如車輿

周禮疏杜取此

繁纓詁

鄭元周禮注樊讀如輦帶之輦謂

今馬大帶也纓今馬鞅也樊繁古字同

杜本此

以朝許之仲尼

聞之曰惜也不如多與之邑惟器與名不可以假人君之所

司也

高誘呂覽注引此司作慎

名以出信信以守器器以臧禮禮以行義

義以生利利以平民政之大節也若以假人與人政也政亡

則國家從之弗可止也已孫桓子還於新築不入遂如晉乞

師臧宣叔亦如晉乞師皆主卻獻子晉侯許之七百乘卻子

曰此城濮之賦也有先君之明與先大夫之肅故捷克於先

大夫無能為役請八百乘詁

賈逵云六萬人

史記集解杜取此

許之

卻克將中軍士燮佐上軍

諸本佐字誤將今改正

欒書將下軍韓厥為

司馬以救魯衛臧宣叔逆晉師且道之季文子帥師會之及

衛地韓獻子將斬人卻獻子馳將救之至則既斬之矣卻子

使速以徇話說文徇行示也司馬法斬以徇按集韻云或作

徇徇是徇乃徇本字也告其僕曰吾以分謗也師從齊師于

莘六月壬申師至于靡笄之下話賈逵云靡笄山名同上杜

齊侯使請戰曰子以君師辱於敝邑不腆敝賦詰朝請見對

曰晉與魯衛兄弟也來告曰大國朝夕釋憾於敝邑之地寡

君不忍使羣臣請於大國無令輿師淹於君地話鄭元周禮

注輿眾也爾雅淹久也此杜本能進不能退君無所辱命齊侯

曰大夫之許寡人之願也若其不許亦將見也齊高固入晉

師桀石以投人話說文桀礫也廣雅桀擲也桀揭擔並舉

也杜注本廣雅禽之而乘其車繫桑本焉以徇齊壘曰欲勇

者賈余餘勇癸酉將救于鞏詰服虔云鞏齊地名也

史記集解又作

鞍

按史記作戰于靡下徐廣曰靡當作歷蓋戰于歷下耳據

此則鞏在歷下可知邴夏御齊侯逢丑父為右詰賈逵云齊

大夫

同

晉解張御卻克鄭丘緩為右齊侯曰余姑翦滅此而

朝食

諸本衍後字今从宋本刪

詰方言廣雅翦盡也盡翦聲近義同辭綜

西京賦注亦云翦盡也

杜本此

不介馬而馳之卻克傷於矢流

血及屨未絕鼓音曰余病矣張侯曰自始合而矢貫余手及

肘余折以御左輪朱殷詰廣雅朱赤也王逸楚辭章句朱赤

色也豈敢言病吾子忍之緩曰自始合苟有險余必下推車

子豈識之然子病矣張侯曰師之耳目在吾旗鼓詰荀卿子

日將死鼓御死轡進退從之此車一人殿之詰詩毛傳殿鎮

也杜本此

可以集事若之何其以病敗君之大事也振甲詰國

語服兵振甲賈逵云振衣甲也

眾經音義

說文振貫也春秋傳曰

振甲執兵

杜本此

執兵固即死也詰詩鄭箋即就也

杜本此

病未

及死吾子勉之左并轡右援枹詰

說文援引也枹擊鼓杖也

而鼓馬逸不能止師從之齊師敗績逐之三周華不注詰韋

昭國語注華齊地不注山名按合下華泉觀之華泉蓋華地

之泉杜注以華不注三字合為山名非也伏琛齊地記不讀

如跗跗注與成十六年韎韁之跗注義同韓厥夢子輿謂己

曰旦辟左右

石經及淳化本作旦餘刻本誤作且按韓厥夢當以夜故子輿告厥曰旦辟左右也且字無意

義今从石經宋本改正

故中御而從齊侯邴夏曰射其御者君子也公

曰謂之君子而射之非禮也射其左越于車下射其右斃于

車中綦毋張喪車從韓厥曰請寓乘詁方言寓寄也此杜本從

左右皆肘之使立於後韓厥俛定其右詁素問注俛仰謂屈

伸也逢丑父與公易位將及華泉詁京相璠曰華泉華不注

山下泉水也水經注繆結於木而止丑父寢於轡中詁說文竹

木之車曰棧字林曰臥車也按轡當為棧杜注轡土車蓋取

周禮巾車土乘棧車之義非本訓也詩有棧之車傳曰棧車

役車也亦與說文義通蛇出於其下以肱擊之傷而匿之故

不能推車而及韓厥執繫馬前再拜稽首詁說文馬馬絆也

春秋傳曰韓厥執馬馬前一本無馬字讀若輒或从系執聲穀梁

傳曰輒者何也曰兩足不能相過齊謂之綦楚謂之跣衛謂

之繫一作軌奉觴加璧以進詰服虔引司馬法其有殞命以行

禮如會所用儀也若殞命則左結旗司馬授飲右持苞壺左

承飲以進本疏曰寡君使羣臣爲魯衛請曰無令輿師陷入君

地下臣不幸屬當戎行無所逃隱詰韋昭國語注屬適也本杜

此且懼奔辟而忝兩君臣辱戎士敢告不敏攝官承乏丑父

使公下如華泉取飲鄭周父御佐車宛蒺爲右載齊侯以免

韓厥獻丑父卻獻子將戮之呼曰自今無有代其君任患者

有一於此將爲戮乎卻子曰人不難以死免其君我戮之不

祥赦之以勸事君者乃免之詰按春秋繁露竹林篇又云獲

齊頃公斲逢丑父蓋公羊家言如此齊侯免求丑父三入三

出每出齊師以帥退入于狄卒狄卒皆抽戈楯冒之以入于

衛師衛師免之遂自徐關入齊侯見保者曰勉之齊師敗矣

辟女子詰按辟讀作闕孟子行辟人趙岐注辟除人使卑辟

尊也惠棟云下云乃奔則辟讀當爲趕與五年伯宗辟重同

杜注訓爲避非女子曰君免乎曰免矣曰銳司徒免乎曰免

矣曰苟君與吾父免矣可若何乃奔齊侯以爲有禮旣而問

之辟司徒之妻也子之石窈晉師從齊師入自丘輿擊馬陘

詰賈逵云馬陘齊地也

史記集解杜取此

史記作馬陵徐廣曰一作

陘于欽齊乘馬陵一作馬陘按虞喜志林馬陵在濮州鄆城

縣東北六十里今考華泉徐關並在齊州與馬陵爲近當是

此矣齊侯使賓媚人賂以紀甌玉磬與地詰說文甌甌也

曰穿也鄭眾注考工記云甌無底甌按杜注甌玉甌非是正

義申杜更非且竹書紀年明言紀公之獻則非王可知不可

則聽客之所爲賓媚人致賂晉人不可曰必以蕭同叔子爲

質

賈逵曰蕭附庸子姓

史記集解

公穀皆作蕭同姪子穀梁傳

曰以蕭同姪子之母爲質晉世家作蕭桐姪子帝王世紀周

封子姪之別爲附庸也按今徐州蕭縣古蕭叔之國干寶曰

蕭同叔子惠公之妾頃公之母而使齊之封內盡東其畝話

服虔云欲令齊隴畝東行

同上杜取此

對曰蕭同叔子非他寡君

之母也若以匹敵則亦晉君之母也吾子布大命於諸侯而

曰必質其母以爲信其若王命何且是以不孝令也詩曰孝

子不匱永錫爾類若以不孝令於諸侯其無乃非德類也乎

先王疆理天下

鄭元周禮注引此先王作吾子蓋涉下文而誤

物土之宜而布其利

故詩曰我疆我理南東其畝今吾子疆理諸侯而曰盡東其

畝而已惟吾子戎車是利無顧土宜其無乃非先王之命也

乎反先王則不義何以爲盟主其晉實有闕韋昭國語注

闕缺也四王之王也樹德方言及高誘淮南王書注樹立

也杜注此而濟同欲焉五伯之霸也詩服虔云五伯謂夏伯昆

吾商伯大彭豕韋周伯齊桓晉文也詩疏杜取此勤而撫之以役

王命詩高誘呂覽注役事也此杜本今吾子求合諸侯以逞無

疆之欲詩曰布政優優詩作敷政昭二十年同鄭元儀禮

注云今文布作敷爾雅優優和也杜本此百祿是適詩毛傳

適聚也杜本此子實不優而弃百祿諸侯何害焉不然寡君之

命使臣則有辭矣日子以君師辱於敝邑不腆敝賦以犒從

者畏君之震詁易序卦傳震動也師徒橈敗詁按漢書高帝紀與酈食其謀橈楚權服虔云橈弱也服虔注此傳當亦同杜訓曲似同遠吾子惠徼齊國之福不泯其社稷使繼舊好惟是先君之敝器土地不敢愛子又不許請收合餘燼詁說文隹火餘也一曰薪也从火聿聲按杜注增一木字卽與訓詁之義乖隹今刊本並作燼玉篇燼同隹經典相仍作燼今不改背城借一敝邑之幸亦云從也況其不幸敢不唯命是聽魯衛諫曰齊疾我矣其死亡者皆親暱也子若不許讐我必甚唯子則又何求子得其國寶我亦得地而紓於難其榮多矣齊晉亦唯天所授豈必晉晉人許之對曰羣臣帥賦輿以爲魯衛請若苟有以藉口詁服虔云今河南俗語治生求

利少有所得皆云可用藉手矣

本疏

按杜訓薦反回遠而復於

寡君詰

鄭元禮記注復白也

杜本此

君之惠也敢不唯命是聽

禽鄭自師逆公秋七月晉師及齊國佐盟于爰婁使齊人歸

我汶陽之田公會晉師于上鄆賜三帥先路三命之服司馬

司空詰

高誘云軍司馬軍司空也與帥候正亞旅皆受一命

之服

諸本帥誤作師今校正

八月宋文公卒始厚葬用蜃炭

釋文作蜃益

車馬始用殉重器備椁有四阿棺有翰檜

詰馬融尚書注植

在前榦在兩旁按杜注翰旁飾蓋本此君子謂華元樂舉於

是乎不臣詰

王符潛夫論曰華元樂呂厚葬文公春秋以爲

不臣按本作樂昌當以字近而誤魏志文帝紀又作樂莒又

攷宣二年傳樂呂爲鄭所獲不應尙存或其時宋贖華元樂

呂亦同歸也據此則宣二年囚華元獲樂呂囚獲義皆互通

杜注似分囚爲生獲獲爲死得誤矣臣治煩去惑者也

文選注引

作治煩而去惑是以伏死而爭今二子者君生則縱其惑死又益其

侈是奔君於惡也何臣之爲九月衛穆公卒晉二子自役

弔焉哭於大門之外衛人逆之婦人哭於門內送亦如之遂

常以葬楚之討陳夏氏也莊王欲納夏姬申公巫臣曰不

可君召諸侯以討罪也今納夏姬貪其色也貪色爲淫淫爲

大罰周書曰明德慎罰文王所以造周也明德務崇之之謂

也慎罰務去之之謂也若興諸侯以取大罰非慎之也君其

圖之王乃止子反欲取之巫臣曰是不祥人也是天子蠻殺

御叔詰韋昭國語注云公子夏陳宣公之子御叔之父也爲